

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



مجموعه علوم

هر عربی ایک برزده واون بشنده نشر اولنور

خالی نقل و تقلیده مبنی اولدی کیمی دخی افراط
و تعصب اربابندن اولوب یازدوغی رساله یی
بقمدی و سویلدیکی سوزی قولاغی اشتمیوب
طریق نظر دن خارج و سمت صوابدن دور
مغالطه ایراد ایلدی و اهل قنیده حیز اعتبار
و اعتدال ددن دور و مهجور اولدی نیجه سی دخی
حسن ظنه و رعایه ادبه بناء براییکی واهی سوزلر
نقل ایلوب تحقیق مراد اتمدی کمال پاشا زاده
اقتدی کبی جمله سنک ملاحظه سنه کوره
اثرلری وجه دن خالی اولدی

سوال بوباید اولی ولایق نه در

جواب خواص و علمادن خلافت اصلی
بیلوب تحقیقه قادر اولانلر اولی ولایق نه در
بیلورلر نیجه استرلرله اولیه دیوب مقتضای
حاله کوره حرکت ایدرلر اما عوام مؤمنینه لازم
اولان بودر که بوبایدن دم اورمیوب سوز
سویلمیه لر و حسن ظن اوزره اولوب واهی
روایتلره کوره ابوین مؤمن اولقی اومور دیه لر
ترك ادب ایدوب کافر اسمن اطلاق اتمیه لر زیرا
حاشا بوسوزله اهانت قصد اولنورسه عظیم
خطادر ائمه حنابلهدن ابن قدامه مقنع نام
کتابنده قرینه خارجییه مقارن اولورسه سب
نبی حکمن و یروب قتل اولنور دیمشدر امدی انلره
اولی بودر که بو بچشدن امساک و تحاشی ایدلر
لکن سوزحر عامه در خواصه دکل
بحث تاسع ایمان فرعون بختی در

فرعون لفظی مصر مملکتی ملوکنه اطلاق
اولنور لقبدر سلفده هر مصر پادشاهنه فرعون
دیرلر دی حضرت موسی علیه السلام زمانده
پادشاه اولان ظلما که اهل اسلام مؤرخلری
ولید تسمیه ایدرلر فرعون موسی دیمکه سائرندن
ممتاز اولور فراغه دن اوچی بر روایتده یدییسی
ظالم و جبار اولوب انلرک بیوکی و آخری فرعون

موسی ایدی قصه سی سیرو توار یخده مشهور
و مسطور در بنی اسرائیله جور و ستم اوزره اولغله
مله یهود اراسنده شقا ایله شهرت بولشیدی
مله اسلامیه ده دخی کذلک دعوا ای الوهیه و جبروت
ایلله مشهور اولوب مقام ذم و عتو و فسادده لازم
کلمه فرعون کییدر دیمکه ضرب مثل ایدرلر
وجه تفاسیر و توار یخده کفر و ضلال اوزره
یازیلوب جمهور اول طرفه ذهاب اولشیدی شیخ
محی الدین ابن عربی حضرتلری کندی کشفی
و وجدانی اوزره فصوص نام کتابنده فص
موسوی ده فرعونک ایمانی و نجاتی یازب
دعوا سنه نظم کریمده دلیلار کترب قال فرعون
امنت انه لا اله الا الذی امت به بنوا اسرائیل و انا
من المسلمین فرعونک ایمانه نص صریحدر
و حاله غرق حاله احتضار کبی دکدر که ایمان
یاس اوله صکره الان و قد عصیت قبل و کنت
من المفسدین ایمانی اول زمانه تأخیراند و کته نوع
عتابدر عدم قبوله دلالتی یوقدر یقدم قومه
یوم القیمه فاورد هم النار عدم ایمان اقتضا اتمز
الیوم ننجیک ببدنک لتکون من خلفک ایه نجاتنه
نص در بو کون بدنکه بر سکا نجات و پرورز
ساهله القا ایتکه و روحکه دخی اخرتده نجات
و پرورز تا کیم سنک خلفکده اولان قومه سن بنم
قدر تمه ایت عظیمه اولاسن و برکسه رحمتدن
ناامید اولیه دیو سوق کلام اتد کدنص کرده و الامر
فیه الی الله اما استقر فی نفوس عامه الخلق من
شقائه و مالهم نص فی ذلک یستندون الیه دیمشدر
شارح فصوص ایدر شیخ وارث کامل محمدی در
ورثه کاملین نصوصی حقیقت حاله اطلاعدن
صکره استدلال صورتنده ایراد ایدرلر ارباب نظر
و استدلال ایسه نصوص و دلائل ایلله تحصیل
علم ایدرلر و مدعای اوزره نصوص ایراد ایدرلر
پس ایراد نصوص و استدلال صورت واحد

اولفله وارث کامل مجتهد و مستدل ظن ایدر لر اول
اجلدن شارح لرك كيمى شيخ مأمور و معذور در ديو
شرح ايليوب بعض علما بو محل دسيس در
برهودى ادخال اتمش در ديو افترا لرا تديلر و با جمله
اکثر خلق بو باده شيخه دخل و تعرض قيدنه
دوشوب موروز نبور کي باشنه اوشد بلر لکن شيخ
ديدیکی کي قطع و يقين افاده ايدر بر نسنه
بولاماديلر انجق بين الامم مشهور اولان شقايه بناء
يازب جزديلر شيخ فصوصده کندی کشفی
مقتضاسنی يازب طريق نظر واستدلال محقق لرندن
فاضل علامه جلال دوانی دخی بو باده مستقل
رساله يازب قواعد اصول اوزره نصوصدن
استدلال ايله شيخك مدعائى اثبات ايلادی
کیمی رد و کیمی قبول ایدوب بوزمانه کانه
سوروندی

نتیجه بحث بودر کد بو نك کي دعوا لر ده طریق
نظر طریق تصفيه اراسی اولافرق اولنمق
کر کدر طریق نظر ادا له عقليه و نقلیه ايله استدلاله
مبنی در طریق تصفيه ریاضه و سلوک ايله کشف
و شهوده مبنی در ایکسینک دخی باشقه
اصطلاحاری واردر و بحثك اصلی بر طریق
قاعدہ سی و اصطلاحی اوزره بنا اولنوب سوال
وجو ابده طریق اخر قاعدہ سی و اصطلاحی
طرفه نظر والتفات اولنمق کرک تاکه
خلط مسائل و تشویش دلائل لازم کلیه . جمله
بونک امثالی بحثلر ده مبدان نزاع وجدال و منشأ
قیل و قال بوماده در نظر واستدلال اصحابی
کندی قانونی ارزه طریق تصفيه اربانه دخل
و اعتراض ایدر لر انلرک طریق ایسه طریق
نظر واستدلال دکل کشف و وجدانه مبنی
و اصطلاحاری حکمة اشراقدن مأخوذ باشقه
اصطلاح کشف و وجدان شرعادلایل اولوب
طریق نظر ده بر دعوا اثبات ایلر مه کندیلرینه

حجت اولور اولی اللهک کشف الهامی
کندویه حجت اولق طریق نظر ده بيله مسلحدر
موجبی ايله عمل ایدر امدی طریق تصفيه قواعدی
اوزره سوق اولنان دلیل و دعوايه نظر قاعده سيله
اعتراض اولنماز اولنور سه کر و اول طریق قاعده سیئله
و اصطلاحیئله اولنمق کر کدر بو باده معترض لر جمله
طریق نظر واستدلال ايله اعتراض ایدر لر انکی چون
وارد و مسحوع اولماز مع هذا بوماده نصوص
دعوی شیخی اثبات ایدر نکه جلال طریق
نظر قاعده سی اوزره استدلال ایلر مشدر بو مرتبه لر
معلوم اولدقدن صکره برکسه بو باده نزاع ایدر سه
احق دکلیدر کویا که حق تعالی نك رحمتی
خلقندن منع و دریغ ایدر فرعونك ایمانندن اکانه
ضرر و کفر نندن نه فایده حاصل اولور هله یهودیلر
بو دعوائی اتسه لر انتقام ایچون وجهی واردر زیرا
انلرک ابا و اجدادی فرعونندن چوق ستم کور مشدر
اما غیرى مله اصحابی انلره تابع اولنک وجهی ندر
امدی طلبه علوم قوایله اولی بودر کد بو باده فرعونه
مؤمن دیمز لر سه ده دینلره خصوصاً شیخه دخل
و تعرضده اولیه لر حد او سطنن چقمیه لر

بحث هاشم شیخ محی الدین ابن عربی شاننده واقع
اولان اختلاف بحثی در

بو بحثی دورت کله ايله ادا ایدرز

کله اول شیخك ترجمه سی یعنی تاریخی در
شیخ مزبور محی الدین محمد بن علی بن محمد بن
عربی الطائی الحاتمی الاندلسی الرسی المالکی در
اندلسده اق دکر کنارنده مر سیه نام شهرده بشیوز
التمش رمضانك یکر می یکنجی کوننده دنیا به کلوب
دمشق شامده صالحیه نام ناحیه ده التیوز اوتوز سکر
ربیع الاخرینک یکر می ایکنجی کونی وفات ایدی
سنی یتش سکر یی اولور مغرب دیار لرین کزوب
تحصیل علوم و تکمیل منظوق و مفهوم ایدوب سلوک
و مجاهده ايله مراتب عالییه نائل اولدی بعدده